

敬躋堂經解



新文  
豐  
今

中華民國三  
十年呈秋刊

儀

禮

古

今

文

記

證

北京古學院藏板

王仁山侍郎札

大著勤求古義以釋古經觸類引伸四通六闢中如袂當  
為柝酌當為酌尤見卓識精思非熟于諧聲假借之例不  
能有此<sub>弟</sub>嘗欲輯古書通作之字以考古音之分合先生  
此書先我著鞭矣敬服敬服承委校勘遵命附記一二簽  
管窺之見未知是否仍希教正王引之頓首确山先生足

下

儀禮古今文疏證卷上

敬躋堂經解

臨海宋世學

士冠禮第一

布席於門中闈西闕外

註古文闈爲槩闕爲蹙

疏引漢書云魯人高堂生爲漢博士傳儀禮十七篇是  
今文也至武帝之末魯恭王壞孔子宅得亡儀禮五十  
六篇其字皆以篆書是古文也古文十七篇與高堂生  
所傳者同而字多不同○士喪禮席于闈西闕外註古  
文闈作槩考工記匠人置槩以縣註槩古文臬假借字  
春秋穀梁昭八年傳以葛覆質以爲槩註槩門中臬○  
註闕梱也聘禮擯者立于闕外註古文闕爲蹙士喪禮  
席於闈西闕外特牲饋食席于門中闈西闕外註並云

古文闕作蹙

旅占

註古文旅作臚

周禮司儀旅擯註旅讀為鴻臚之臚漢書敘傳大夫臚  
岱註鄭氏曰臚岱季氏旅於太山是也師古曰旅陳也  
臚亦陳也臚旅聲相近其義一耳

纁裳

註今文纁皆作熏

士昏禮玄纁註今文纁皆作熏小戴記禮器士不衣纁  
裳陸德明本作熏裳又明堂位註纁白陸本作熏白

側尊一無醴

註古文甝作庶

既夕甝二少牢饋食司宮尊兩甝註並云古文甝皆作  
庶士虞禮尊兩甝註古文甝為庶世榮案甝字古作甝

庶从甝省

各一匱執以待于西坫南 [註]古文匱爲簋坫爲檐

註匱竹器名釋文匱本或作算史記汲鄭傳不過算器

食徐廣曰算竹器○註坫在堂角漢書文帝紀或坫于

危亡服虔曰坫音反坫之坫孟康曰坫音屋檐之檐師

古曰服孟二音竝通國語吳語王背檐而坐註檐屋外

邊壇也 世犖 案坫即謂屋之外向者知坫即檐字檐又

爲檐之假借字矣

兄弟畢袷立 [註]古文袷爲均也

註袷同也春秋左僖五年傳均服振釋文均同也字

書作衲文選吳都賦六軍衲服劉註衲同也淮南子齊

俗尸祝衲衲 世犖 案衲衲即袷立字篆文衲衲形近

采衣紛 [註]古文紛爲結

註紒結髮下主人紒而迎賓註古文紒為結漢書陸賈

傳尉佗魁結箕踞師古曰結讀曰髻春秋左襄四年傳

註髻麻髮合髻也釋文髻本作紒又作結

贊者盥于洗西註古文盥皆作浣

鄉射禮盥洗注古文盥皆作浣春秋左襄十九年傳范

宣子盥而撫之論衡論死作浣而撫之

贊者莫纒笄櫛于筵南端註古文櫛為節

櫛字从木節節櫛同聲故櫛省作節

壹揖壹讓升註古文壹皆作一

士相見禮主人答壹拜少牢饋食答壹拜有司徹皆答

壹拜註並云古文壹為一士相見禮君答壹拜鄉飲酒

禮壹揖壹讓聘禮公壹拜送公食大夫禮壹以授賓註



並云古文壹作一鄉射禮壹揖壹讓公食大夫禮公壹  
揖壹讓註並云古文壹皆作一聘禮壹食再饗註古文  
壹皆爲一小戴記表記節以壹惠註壹讀爲一世肇案  
壹一經典通用不可枚舉

面葉

註古文葉爲搗

士昏禮面葉註古文葉作搗小戴記曲禮注引弟子職  
曰執箕膺搗陸德明本作膺葉七經考文云足利古本  
是葉字

面枋

註古今文枋爲柄

士昏禮皆南枋註今文枋作柝特牲饋食註東枋釋文  
枋本亦作柄周禮內史掌王之八枋之法釋文枋本又  
作柄小戴記禮運以四時爲柄釋文柄本又作枋五經

文字木部枋古柄字

啐醴 註古文啐為呼

孟子告子噉爾而與之註噉爾猶呼爾咄啐之貌音義

引丁音啐呼也 世榮 案啐呼形近易混

束帛儷皮 註古文儷為離

註儷皮兩鹿皮也小戴記月令宿離不忒註離讀為儷

偶之儷說文鹿部麗字引禮麗皮納聘鄉飲酒禮乃歌

魚麗釋文麗本亦作離易彖傳離麗也又象上傳麗澤

兌鄭本作離象下傳離王公也鄭本作麗詩漸漸之石

月離于畢論衡說日引作月麗于畢文選潘安仁詩婉

婉長離註離與麗古字通國策高漸離論衡書虛作漸

麗左定二年傳麗姬竹書作離姬

攝酒

〔註〕今文攝爲聶

有司徹司宮攝酒註今文攝爲聶小戴記內則聶而切  
之釋文聶一作攝

設扃冪

〔註〕今文扃爲鉉古文冪爲密

士昏禮設扃冪註扃所以扛鼎冪覆之今文扃作鉉冪皆作密公食大夫禮設扃冪註今文扃作鉉古文冪皆作密士虞禮抽扃註今文扃爲鉉又取冪註古文冪爲密又抽扃冪有司徹乃設扃冪註並云今文扃爲鉉古文冪爲密說文金部鉉舉鼎具也易謂之鉉禮謂之冪又鼎部冪以木橫貫鼎耳而舉之从鼎門聲周禮廟門容大冪七箇卽易玉鉉大吉也今考工記匠人作容大  
扃世犛案匡謬正俗扃以貫鉉非卽鉉也其說非是考

毛晃增韻鼎字平仄分收蓋从平聲者通作肩从仄聲者通作密說文冂部冂鼎覆也臣鉉等曰今俗作冂同士喪禮冂用疏布註古文冂皆作密少牢饋食皆設冂冂註古文冂皆為密五經文字冂部冂與冂同

羸醢註今文羸為蝸

士喪禮既夕少牢饋食各羸醢字註並云今文羸為蝸說文虫部蝸羸也爾雅釋魚蚘羸蠖蚘註即蝸牛也

主人紛而迎賓註古文紛為結

見上采衣紛條

禮於阼註今文禮作醴

上請醴賓註此醴當作禮又若不醴註醴亦當為禮士昏禮出請醴賓註此醴亦當為禮又贊醴婦註醴當為

禮又如初禮註古文禮爲醴聘禮賓拜禮於朝註今文禮爲醴又禮玉註今文禮皆作醴小戴記內則宰醴負子註醴當爲禮昏義贊醴婦註醴婦當作禮聲之誤也釋名釋飲食醴禮也漢書郊祀志俎豆醴進註謂雜物之具所以加禮也

某有子

註古文某爲謀

玉篇木部某酸果也又音毋不知名者云某

世犖

案某

字本假借無的字故古文或爲謀註從今通用字

以病吾子

註古文病爲秉

秉古柄字春秋邴意茲史記作秉意茲文選與吳質書古人思炳燭夜游註秉或作炳皆偏旁得通之證

賓對曰

註今文無對

眉壽萬年

註古文眉作麋

方言註麋猶眉也大戴記王言孔子愀然揚麋註麋一

作眉荀子非相孔子面無須麋註麋與眉同集古錄漢

故北海相景君碑有云不永麋壽余家集錄三代古器

銘有云眉壽者皆為麋壽蓋古字簡少通用至漢猶然

也漢隃麋縣十六國春秋作榆眉

嘉薦亶時

註古文亶為瘳

古亶單一字詩板下民卒瘳陸德明本作僮小戴記緇

衣引作下民卒瘳陸本作亶詩桑柔逢天僮怒釋文僮

本亦作亶

孝友時格

註今文格為嘏

釋文嘏又作假少牢饋食以嘏于主人註古文嘏為格

小戴記曾子問不旅不假註假讀爲嘏禮運祝嘏釋文  
嘏本作假世犖案易王假有廟王假有家詩饜假無言  
皆以假爲格字

曰伯某甫 註甫字或作父

士相見禮若父則遊目註今文父爲甫釋名釋親屬父  
甫也世犖案父甫經典通用不可枚舉

章甫 註甫或爲父今文爲斧

甫父見上釋名釋用器斧甫也

士昏禮第二

當阿 註今文阿爲廢

註阿棟也入堂深示親親鄉射禮序則物當棟堂則物

當楣註正中曰棟次曰楣前曰廢世犖案如此註是廢

淺於楣鄉飲酒禮聘禮皆云賓當楣計主人在阼賓行

自應當楣但庶尙在楣外今鄭云入堂深示親親鄉射

禮又棟楣對舉則此當阿之為當棟無疑今文非也故

鄭不從

周禮大人幾珥註鄭司農云幾讀為庶錢明經站日幾阿聲之轉也

如初禮

註今文禮為醴

見士冠禮禮於阼條

授拔

註古文拔為枝

既夕拔在南註古文拔為枝

世犖

案拔當為校莊子天

地大如標校釋文校本作枝荀子彊國拔戟加乎首註

拔或作拔或作枝

面葉

註古文葉作擣

見士冠禮面葉條



玄纁 註今文纁皆作熏

見士冠禮纁裳條

腊一肫髀不升 註肫或作純古文純為鈞髀為脾

少牢饋食作腊一純小戴記中庸肫肫其仁註肫肫或為純純世聲案鈞蓋假借字○士喪禮載兩髀註古文

髀為脾既夕髀不升少牢饋食髀不升有司徹無髀註並云古文髀作脾詩車攻傳射左脾釋文脾本作髀莊子人閒世兩髀為脅釋文髀本又作脾

設局鼎 註今文局作鉉鼎皆作密

見士冠禮設局鼎條

大羹湑在爨 註今文湑皆作汁

註大羹湑煮肉汁也公食大夫禮大羹湑有司徹羊肉

涑註並云今文涑為汁特牲饋食設大羹涑于醢北註

今文涑皆作汁世犖案涑當為涑張參曰傳寫久譌不

敢便改

皆南枋註今文枋作柄

見士冠禮南枋條

姆加景註今文景作憬

憬隋書禮儀志作憬說文無憬憬字知古只作景王侍

郎引之曰古字多假借不必从巾者而後為衣也世犖

案景即詩所謂褰衣孔疏可證

贊啓會卻于敦南註今文啓作開古文卻為給

既夕請啓期士虞禮啓會又聲三啓戶註並云今文啓

為開又既夕啓之昕註古文啓為開史記張釋之馮唐

傳山都侯王恬開徐廣曰開一作問漢書作啓啓者景  
帝諱也故或爲開世犖案啓作開經典不可枚舉○卻  
綌俱从谷聲古假借用故鄭不從

贊爾黍

〔註〕古文黍作稷

世犖

案傳寫之異

主人說服于房

〔註〕今文說作稅

鄉飲酒禮說屨士虞禮大夫說經帶〔註〕並云今文說爲  
稅鄉射禮弟子說束旣夕主人說髦〔註〕並云今文說皆  
作稅詩甘棠召伯所說碩人說于農郊釋文並云說本  
或作稅小戴記檀弓使子貢說驂又蟻固不說齊哀王  
藻無說笏釋文並云說本作稅

北止

〔註〕古文止作趾

釋名釋形體趾止也小戴記內則奉席請何趾陸本作止易噬嗑履校滅趾陸本作止又夬壯于前趾艮其趾荀本並作止又賁賁其趾釋文趾本作止詩麟趾麟之趾陸德明本作麟之止春秋左桓十三年傳舉趾高漢書五行志作舉止高詩七月四之日舉趾漢書食貨志作舉止

媵侍于戶外

〔註〕今文侍作侍

小戴記雜記待猶君也註待或為侍荀子正論百人侍西房註侍或為待也莊子田子方孔子便而待之又漁父竊待於下風釋文並云待本作侍

贊見婦于舅姑

〔註〕古文舅皆作咎

穆天子傳咎氏註字亦作舅咎猶舅也荀子臣道晉之

咎犯註咎與舅同又史記晉世家咎犯淮南子人間訓  
咎犯之謀韓非子外儲說咎犯聞之而笑呂覽當染染  
于咎犯並以咎為舅字

婦贊成祭 註今文無成也

與始飯之錯 註古文始為姑

始姑形近周頌敦銘皇母葬始即以始為姑字

酬以束錦 註古文錦皆作帛

錦字从帛古文或省王侍郎 引之 曰錦帛義得兩通故

錦或作帛

加于橋 註今文橋為鎬

詩扶蘇山有橋松釋文橋鄭作槁 喬高形近義通古假借用莊子列禦寇槁

項黃馘者釋文槁本作矯亦其證也

攷齊楚經解 儀禮古今文疏證上

又弗能教 [註]今文弗為不無能字

周禮諸子註弗不也春秋公羊僖二十六年傳註弗者

不之深者也 世犖 案弗不經典通用不可枚舉

至於某之室 [註]今文於為于

大射儀士御於大夫註今文於為于既夕于北墉下註

今文于為於 世犖 案于於經典通用不可枚舉

我與在 [註]古文與為豫

鄉射禮賓不與聘禮介皆與公食大夫禮魚腊不與註

並云古文與作豫士虞禮主人不與註古文與為豫小

戴記曲禮定猶與也釋文與亦作豫春秋穀梁僖八年

傳註以乞得與之釋文與本作豫史記呂后紀計猶與

索隱與又作豫又漢書註與字多讀曰豫

夙夜無違命 〔註〕古文母作無

士相見禮母改註古文母作無又母上于面公食大夫

禮母過四列註並云古文母為無 世舉 案母無經典通

用不可枚舉

視諸衿聲 〔註〕視乃正字今文作示俗誤行之

小戴記曲禮幼子常視母誑註視今之示字詩鹿鳴視

民不佻箋視古示字漢書高帝紀亦視項羽無東意如

淳日視音示師古曰漢書多以視為示古通用字莊子

應帝王以予示之釋文示本作視崔云視示也又徐无

鬼中之質如示日釋文示司馬本作視

請終賜見 〔註〕今文無終賜

士相見禮第三

左頭奉之 [註]今文頭為脰

下左頭如麕 [註]今文頭為脰士虞禮取諸脰臙 [註]今文

脰臙為頭臙也春秋公羊文十六年傳殺人者刎頭釋

文頭本又作脰

某將走見 [註]今文無走

某不敢為儀 [註]今文不為非

下某不敢為儀 [註]今文不為非漢書蕭望之傳 [註]不非

也

固請吾子之就家也 [註]古文云固以請

某不敢為儀 [註]今文不為非

見上條

將走見 [註]古文曰某將走見



某也固辭不得命 註今文無也

主人答壹拜 註古文壹爲一

見士冠禮壹揖壹讓升條

某也既得見矣 註今文無也

左頭如麤 註今文頭爲脰

見上左頭奉之條

君答壹拜 註古文壹作一

見士冠禮壹揖壹讓升條

妥而後傳言 註古文妥爲綏

小戴記曲禮大夫則綏之又國君綏視註並云綏讀曰

妥漢書武五子傳城北州以妥孟康曰妥古綏字也晉

姜鼎銘妥懷遠邦楊南仲釋曰妥讀爲綏

母改 註古文本母作無

見士昏禮夙夜無違命條

衆皆若是 註今文衆爲終

易雜卦大有衆也荀本衆作終詩振鷺以永終譽後漢

書崔駰傳引作衆譽史記五帝紀怙終賊刑徐與曰終

一作衆

若父則遊目母上於面母下於帶 註今文父爲甫古文

母爲無

父甫見士冠禮曰伯某甫條母無見士昏禮夙夜無違

命條

君子欠伸問日之早晏 註古文本伸作信早作蚤

疏引周禮大宗伯云侯執伸圭爲信字小戴記儒行竟

信其志註信讀爲屈伸之伸假借字也易繫辭引而伸之釋文伸本又作信又以求信也釋文信本又作伸詩擊鼓不我信兮釋文信古伸字荀子不苟靡所不信註信讀爲伸漢書註多讀信曰伸○詩七月四之日其蚤小戴記王制註引作其早漢書文帝紀有司請蚤建太子師古曰蚤古以爲早晚字也

問夜膳葷

〔註〕古文葷作薰

小戴記內則註一薰一腐釋文薰本作葷漢書霍去病傳所獲葷允之士服虔曰葷允薰鬻也師古曰葷字與薰同文選養生論薰辛害目註薰與葷同

徧嘗膳

〔註〕今云咄嘗膳

玉篇口部咄字引穀梁傳曰未嘗有咄血之盟咄嘗也

世學 案帖即嘗義故鄭不從

若君賜之爵 註今文曰若賜之爵無君也

容彌蹙以為儀 註今文無容

執玉者 註今文無者

舉前曳踵 註古文曳作柅

玉篇申部曳牽也引也荀子非相接人則用柅註柅牽引也或曰柅當為柅小戴記檀弓負手曳杖釋文曳亦作柅

宅者 註今文宅或為託

說文宀部宅所託也書顧命三咤釋文咤字亦作宅徐又音託說文引作三託

則曰艸茅之臣 註古文茅作苗

易泰拔茅連茹釋文茅鄭音苗羣經音辨艸部茅苗也  
孟子滕文公晝爾于茅音義張云字或作苗誤

鄉飲酒禮第四

賓厭介入門左介厭衆賓入衆賓皆入門左  
註今文皆作揖又曰衆賓皆入左無門

註推手曰揖引手曰厭下賓厭介升註今文厭皆爲揖  
鄉射禮賓厭衆賓註今文皆曰揖衆賓

奠爵于篚下  
註今文無奠

壹揖壹讓升  
註古文壹作一

見士冠禮壹揖壹讓升條

坐挽手  
註古文挽作說

鄉射禮坐挽手註古文挽作說特性饋食坐挽手註古

文悅皆作說有司徹坐悅手註悅手者于悅古文悅作說

北面拜送爵

註今文無北面

辯有脯醢

註今文辯皆作徧

燕禮大夫辯受酬有司徹若是以辯註並云今文辯皆

作徧少牢饋食辯揆于三豆註今文辯為徧書舜典徧

于羣神史記五帝紀作辯于羣神

賓厭介升介厭衆賓升

註今文厭皆為揖

見上賓厭介條

辯有脯醢

註今文辯為徧

辯有脯醢

註今文為徧

並見上辯有脯醢條

衆受酬者受自左 註今文無衆酬也

介坐受以興 註今文曰賓受

冊 錄 案賓言取介言受尊卑之異故鄭不从今文

尊者降席東南面 註今文遵為僎或為全

鄉射禮大夫若有尊者註今文遵為僎小戴記少儀僎

爵註古文禮僎作遵鄉飲酒義介僎註古文禮僎皆作

遵說文人部僎具也玉篇入部全具也論語異乎三子

者之撰釋文撰鄭作僎讀曰詮說文言部詮具也从言

全聲

說屨 註今文說為稅

見士昏禮主人說服于房條

賓服鄉服以拜賜 註今文曰賓服鄉服

王人釋服 註古文釋作舍

大射儀獲而未釋獲 註古文釋為舍周禮大胥舍菜註  
舍即釋也 占夢乃舍萌干四方註舍讀為釋古書釋菜  
釋奠多作舍字又甸祝舍奠於祖廟 註舍讀為釋詩行  
葦舍矢既均箋舍之言釋也 小戴記祭統舍奠於祖廟  
註舍當為釋

賓介不與 註古文與為預

玉篇象部豫或作預詳士昏禮我與在條

脊肩胛肺 註今文胛作胛

有司徹羊胛一 註古文胛為胛又肫胛釋文胛本作胛

則獻諸西階上 註今文無上

縮霤 註古文縮為蹙



鄉射禮則縮而委之註古文縮皆作蹙士虞禮東縮又縮祭半尸少牢饋食縮執俎有司徹西縮註並云古文縮爲蹙廣雅釋詁蹙縮也詩節南山蹙蹙靡所騁傳蹙蹙縮小之貌

鄉射禮第五

賓厭衆賓

註今文皆曰揖衆賓

見鄉飲酒禮賓厭介條

主人阼階前西面坐

註今文無阼階

盥洗

註古文盥皆作浣

見士冠禮贊者盥于洗西條

壹揖壹讓

註古文壹皆作一

見士冠禮壹揖壹讓升條

坐挽手 〔註〕古文挽作說

見鄉飲酒禮坐挽手條

大夫若有尊者 〔註〕今文遵為僕

見鄉飲酒禮尊者降席東南面條

皆揖就席 〔註〕今文揖為升

廣雅釋詁揖進也呂覽孟秋紀農乃升穀註升進也

退少立 〔註〕古文曰少退立

進坐取觶興反坐不祭遂卒觶興坐奠觶拜 〔註〕今文坐

取觶無進又曰坐奠之拜

下實觶註今文觶為之 世聲 案觶之音譌於文亦通

兼挾乘矢 〔註〕古文挾皆作接

大射儀挾乘矢於弓外註古文挾皆作接孟子盡心挾

貴而問註挾接也荀子儒效盡善挾洽之謂神註挾讀為浹又解蔽不足以浹萬物之變註浹當為接

某御於子

註古文曰某從於子

士喪禮外御註小臣侍從者既夕御者註今時侍從之人

弟子說束

註今文說皆作稅

見士昏禮主人說服于房條

阼階下之東南

註今文無南

豫則鉤楹內

註今文豫為序

註豫讀如成周宣榭災之榭周禮作序惠徵君謂左氏

古文榭本作射

世榮

案孟子滕文公序者射也小戴記

祭義卿大夫序從註序或為豫爾雅釋地河南曰豫州

釋文引春秋元命包云豫之言序也又李註豫舒也書  
洪範曰豫春秋公羊成九年經註論衡寒温並引作曰  
舒漢書儒林傳殷曰序註序舒也

適堂西

註今文曰適序西

下主人堂東袒決遂執弓搢三挾一个賓於堂西亦如  
之又賓序西主人序東註或言堂或言序亦為庠榭互  
言也

負俛而俛

註今文俛為立

大射儀三耦俛于次北註今文俛為立

世榮

案說文俛

字本从立作𠄎故今文省作立

不貫不釋

註古文貫作關

大射儀不貫不釋註古文貫作關漢書王嘉傳大臣括

髮關械註關貫也說文弓部彎持弓關矢也春秋左昭二十一年傳豹則關矣註關引弓也史記陳涉世家士小敢貫弓漢書作彎弓

以茅上握焉

註今文上作尙

覲禮尙左註古文尙作上廣雅釋詁尙上也

世聲案尙

上經典通用不可枚舉

則縮而委之

註古文縮皆爲蹙

見鄉飲酒禮縮霑條

北面拜受爵

註古文曰再受爵

各以其耦

註今文以爲與

註以猶與也詩江有汜不我以箋以猶與也小戴記中庸可以入德矣七經考文云古本以作與

作上射 註今文或言作升射

漢書王莽傳註上升也

執餘獲升告 註今文曰告于賓

視算 註今文曰視數也

鄉飲酒禮無算爵註算數也說文竹部算數也

退反位 註古文曰反坐

世罕

案人所坐立處皆曰位故位亦作坐

長受酬者不拜 註古文曰酬者不拜

執觶者洗升實解 註今文無執解及賓解大夫之解皆

為爵實解解為之

有司徹舉解于其長註古文解皆為爵延景中詔校書

定作解燕禮坐取觚註古文觚皆為解又坐奠觚註今

文從此文以下觚皆為爵○觶之見上坐奠解拜條

賓不與 註古文與作豫

見士昏禮我與在條

五臠 註古文臠為臠今文或作植

世舉

案臠當為臠字書禹貢厥土赤埴墳釋文埴鄭作

臠釋名釋地埴臠也黏肥如脂之臠也莊子馬蹄釋文

引作埴臠也黏肥如脂之臠也考工記搏埴之工註埴

書或為植

晉羊舌肸說苑善說作羊植埴植古通字

獻工與笙 註今文無與笙

遂命倚旌 註古文曰遂命獲者倚旌

則以白羽與朱羽糅杠長三仞以鴻脰韜上二尋 註今

文糅為緇韜為韜

註糝者雜也

世犖

案糝字古作糝古从柔从丑字得通

說文米部糝雜飯也大射儀公親採之註古文採為紐

廣雅釋詁紐束也爾雅釋器繩之謂之縮之註縮者約

束之○玉篇羽部翮翮翳也翳翮並同

世犖

案翮即翮

字翮翮音同小戴記檀弓綢練釋文綢韜也爾雅釋天

素錦綢杠玉篇作韜杠

衆賓不與 註古文與為豫

見士昏禮我與在條

侯道五十弓

註今文改弓為肱也

肱亦作弦

春秋昭三十一年黑肱公羊春秋作黑弓

君射則為下射

註今文君射則為下

則皮樹中以劑旌獲白羽與朱羽糝

註今文皮樹為繁



豎糅爲緇古文無以

詩十月之交蕃維司徒韓詩蕃作繁漢書人表皮師古

曰卽詩所謂蕃維司徒者也又魯國蕃縣應劭曰蕃音

皮風俗通山澤陂者繁也○樹豎音同漢書揚雄傳皆

稽首樹領師古曰樹豎也○上白羽與朱羽糅註今文

糅爲縮世罕案縮緇形近傳寫或譌

唯君有射于國中其餘否註古文有作又今文無其餘

否

易繫辭又以尙賢也鄭本又作有詩終風不日有暘箋

有又也又長發有虔秉鉞箋有之言又也小戴記內則

三王有乞言註有讀爲又荀子註有字多讀爲又世罕

案古器物銘皆以又爲有字

大夫射則肉袒

註今文無射

燕禮第六

幕用綌若錫

註今文錫為緡

大射儀幕用錫註錫細布也今文錫或作緡喪服傳註

謂之錫者治其布使之滑易也說文糸部緡細布也文

選子虛賦被阿緡註緡與錫古字通

射人納賓

註今文曰擯者

註射人為擯者也

坐取觚洗

註古文觚皆為觶

下士長升受觶註今文觶作觚又勝觚于公註此當言

勝觶酬之禮皆用觶言觚者字之誤也古者觶字或作

角旁氏由此誤爾又洗象觶註今文曰洗象觚又取賓

所媵觶註今文觶又為觶大射儀拜受觶註今文觶作  
觶考工記梓人觶三升註觶當為觶世犖案鄭駁五經  
異義曰觶字角旁氏汝穎之間師讀所作今禮角旁單  
古書或作角旁氏角旁氏則與觶字相近學者多聞觶  
寡聞觶寫此書亂之而作觶耳

坐奠觶

註今文從此以下觶皆為爵

論語觶不觶釋文觶酒爵也

世犖

案儀禮觶觶爵字古

今文多混見鄉射禮執觶者洗升及上條

主人辭洗

註今文無洗

更爵洗升

註古文更為受

大射儀更爵洗註古文更為受周禮巾車歲時更續註  
故書更續為受讀春秋左昭九年傳以更豕韋之後史

記夏本紀作以受豕韋之後徐廣曰受一作更世犖案

更字古从更形與受近

媵觚于賓 註今文媵皆作騰

註媵讀或為揚大射儀媵觚于賓註古文媵皆作騰公

食大夫禮衆人騰羞者註騰當作媵小戴記檀弓杜賁

洗而揚觶註禮揚作媵鄉飲酒義揚觶射義揚觶而語

註並云揚今禮皆作騰

大夫辯受酬 註今文辯皆作徧

見鄉飲酒禮辯有脯醢條

主人以虛爵降奠于筐 註今文無奠于筐

遂卒爵 註古文曰卒爵不拜

士長升拜受觶 註今文觶作觚

見上坐取觚條

洗象觶註今文曰洗象觚

公坐取賓所媵觶註今文觶又為觚

見並同上

公答拜註古文曰公答再拜

以賜鐘人於門內雷註古文賜作錫

覲禮天子賜舍註今文賜作錫易師卦王三錫命鄭本

錫作賜書序平王錫晉文侯秬鬯馬本錫作賜春秋莊

元年天王使榮叔來錫桓公命公羊傳錫者何賜也成

八年天子使召伯來賜公命公穀並作錫書禹貢納錫

大龜又錫土姓史記夏本紀並作賜

寡君有不腆之酒註古文腆皆作殄今文皆曰不腆酒

無之

考工記斲人斲或頌典註鄭司典曰典讀為殄詩新臺

籛條不殄箋殄當作腆

使某固以請

註今文無使某

與卿燕則大夫為賓與大夫燕

註今文無則下無燕

大射儀第七

頌磬東面

註古文頌為庸

註言成功曰頌西為陰中萬物之所成周禮大司樂疏

引鄭註笙庸以問云西方之樂謂之庸庸功也西方物

熟有成功亦謂之頌頌亦是頌其成功也又眡瞭擊頌

磬註頌或作庸

尋用錫若絺

註今文錫或作錫絺或作綌

錫錫見燕禮若錫條○小戴記喪大記浴用絺巾釋文  
絺本作綌

綴諸箭 〔註〕古文箭作晉

周禮職方氏其利金錫竹箭註故書箭為晉考工記廬  
人晉圍釋文晉一作箭

更爵洗升 〔註〕古文更為受

見燕禮更爵洗升條

媵觚于賓 〔註〕古文媵皆作騰

見燕禮媵觚于賓條

降適西階下 〔註〕古文曰降造西階下

莊子山木愛已而造哀也釋文引司馬註造適也

後首 〔註〕古文後首為後手

士喪禮左首進鬢註古文首為手小戴記檀弓斂首足形陸本作手足春秋成二年曹公子首公穀並作手又左宣二年傳見其手釋文手本作首穀梁定十年傳首足異處史記孔子世家作手足莊子達生則捧其首釋文首本作手漢書人表敷手說文作夥首

挾乘矢於弓外

註古文挾皆作接

見鄉射禮兼挾乘矢條

士御於大夫

註今文於為于

見士昏禮至於某之室條

皆適次而俟

註今文俟作待

詩靜女俟我于城隅傳俟待也說文立部俟待也彳部待俟也



不異侯 〔註〕今文異作辭

世犖

案與尊者為耦則卑者當辭而異侯是異辭一義

三耦俟于次北 〔註〕今文俟為立

見鄉射禮執旌負侯而俟條

至乏聲止 〔註〕古文聲為磬

說文耳部聲音也从耳殼聲殼籀文磬集韻聲古作殼

獲者興 〔註〕古文獲皆作護非也

春和召獲駕乘車史記作護史記衛將軍驃騎傳涉獲

章渠徐廣曰獲一作護

獲而未釋獲 〔註〕古文釋為舍

見鄉飲酒禮主人釋服條

且左還 〔註〕古文且為阻

書舜典黎民阻飢史記五帝紀作始飢徐廣曰今文尙

書作祖飢祖始也小戴記檀弓夫祖者且也世犛案古

器物銘皆以且為祖又阻沮通字小戴記月令地氣沮

泄呂覽仲冬紀作且泄又漢婁壽碑榮且溺之耦耕卽

論語之長沮桀溺也

取矢柶之註古文柶作魁

註柶齊等之也下揚觸柶復註古文柶作魁後漢書東

夷傳魁頭註猶科頭也世犛案論語為力不同科科亦

齊等之意

揚觸柶復註古文柶作魁

見上

不貫不釋註古文貫作關

見鄉射禮不貫不釋條

適阼階下

註今文曰阼階下無適

還右

註今文右還

以袂順左右隈

註今文順為循

詩江漢箋使循流而下釋文循本亦作順莊子天下已

之大順釋文順本作循又列禦寇大順釋文順或作循

公親揉之

註古文揉為紐

世犇

案古从柔从丑字並得通左傳公山不狝史記孔

子世家作不蹂爾雅釋獸其跡夙釋文夙古文為蹂引

字林或作狝

遂以所執餘獲

註古文曰餘算

註餘獲餘算也

則縮而委之 〔註〕古文縮皆作蹙

見鄉飲酒禮縮霤條

賓升就席 〔註〕今文席為筵

說文竹部筵竹席也燕禮司宮筵賓于戶西〔註〕筵席也  
士虞禮猶出几席〔註〕古文席為筵周禮司几筵〔註〕筵亦  
席也鋪陳曰筵藉之曰席然其言之筵席通矣

司馬師命獲者 〔註〕今文司馬師無司馬

士長升受觶 〔註〕今文觶作觚

見上坐取觶條

媵解于公 〔註〕今文解為觚

見同上

公答再拜 〔註〕今文公答拜無再

聘禮第八

帥眾介夕 註古文帥皆作率

下帥大夫以夕 註古文帥為率觀禮帥乃初事註今文

帥作率周禮樂師帥射夫 註故書帥為率 世犖 案說文

帥當為逵率當為衛帥率並假借字今經典帥率通用

不可枚舉

管人布幕于寢門外 註古文管作官今文布作敷

註管猶館也覲禮疏引此作館人易隨卦官有渝蜀才

本官作館 世犖 案穆天子傳官人陳牲官人膳鹿即儀

禮管人字 ○詩小雅小旻敷于下土傳敷布也書禹貢

禹敷土鄭註敷布也又篠蕩既敷史記夏本紀作竹箭

既布顧命敷重篋席說文苜部莫字引作布重莫席文

侯之命敷聞在下史記晉世家作布問在下詩長發敷  
政優優春秋左成二年傳昭二十年傳春秋繁露並引  
作布政史記司馬相如傳專結縷徐廣曰專古布字汗  
簡寸部敷古作專

加其奉於左皮上

註古文奉為卷

世榮

案卷當為奉士冠禮橫而奉之唐石經奉作奉史  
記扁鵲倉公傳而毛美奉髮徐廣曰奉又作奉文選報  
任安書更張空拳註引李登聲類云拳或作卷漢書賈  
捐之傳敢昧死竭卷卷師古曰卷讀與拳同

馬則北面

註今文無則

使者載廬

註古文廬皆為膳

下朝服載廬註古文廬作膳既夕載廬註古文廬為膳

垂纁 註今文纁作璪

下圭與纁註古文纁或作藻今文作璪覲禮有纁註纁

或為璪周禮典瑞纁藉五采註纁讀為藻率之藻書益

稷藻火說文玉部作璪小戴記禮器朱綠藻陸本作纁

纁即纁字

介皆與 註古文與作豫

見士昏禮我與在條

陳皮北首 註古文曰陳幣北首

世犛

案皮幣音近又皮帛幣帛相承通用

卿為上擯大夫為承擯士為紹擯 註今文無擯

介皆入門左 註今文無門

裼降立 註古文裼皆作賜

世聲

案楊有賜音詩斯干載衣之楊字與地協說文衣

部襜字引作載衣之襜从衣啻聲

賓進訝

註今文訝為梧

公食大夫禮從者訝受皮註今文曰梧受漢書司馬相

如傳或有祗梧如淳曰梧讀曰迂文選洞簫賦氣旁迂

以飛射兮旁迂即旁午字說文午部午悟也悟逆也惠

徵君謂梧本作悟是也

釋名釋邱梧忤也

公壹拜送

註古文壹作一

見士冠禮壹揖壹讓升條

先入門左

註古文重入

歸饗餼五牢

註今文歸或為饋

下夫人歸禮註今文歸作饋士虞禮特豕饋食註饋猶



歸也論語詠而歸又歸孔子豚又齊人歸女樂鄭本歸  
並作饋他書亦多引作饋史記周本紀以歸周公於兵  
所徐廣曰歸一作饋荀子王制使相歸移也註歸讀爲  
饋

皆二以竝 註今文並皆爲併

士昏禮竝南上註竝當作併公食大夫禮二以竝註竝  
併也今文曰併有司徹竝皆西縮註古文竝皆作併士  
喪禮二人以並註今文並爲併少牢饋食皆二骨以並  
註今文並皆爲併

車乘有五籩 註今文籩或爲逾

下十六斗曰籩註今文籩爲逾論語與之庾苞註十六  
斗爲庾也皇疏卽是聘禮之籩也荀子大略堉丸止於

甌與註引方言陳魏楚宋之間謂罌爲與檢今方言與

作甌世犖

案逾乃假借字

說文斗部斛量名引周禮曰黍三斛考工記鄭註以爲輕

重未聞玉篇斛量也今作庾則爲十六斗矣

至于階讓

註古文曰三讓

至于階讓

註古文曰三讓

庭實設

註今文曰入設

實入音近春秋左宣十二年傳實其言註實猶充也史

記范睢蔡澤傳草入邑索隱入猶充也義亦得通

賓拜禮於朝

註今文禮爲醴

見士冠禮禮於阼條

壹食再饗

註古文壹皆爲一今文饗皆爲鄉

壹一見士冠禮壹揖壹讓升條○公食大夫禮設洗如

饗又皆如饗註並云古文饗或作鄉小戴記祭義饗者鄉也漢書樂志告靈饗矣師古曰饗字合韻皆音鄉

俶獻 註古文俶作淑

爾雅釋詁淑善也說文人部俶善也一曰始也穀梁序疏及釋文並名淑玉海引疏作俶

以侑幣 註古文侑皆作宥

有司徹乃議侑于賓註古文侑皆作宥周禮大司樂三侑唐石經作三宥小戴記禮器詔侑武方釋文侑本或作宥爾雅釋詁侑報也釋文侑本或作宥荀子宥坐此蓋為宥坐之器註宥與侑同

迎于外門外 註今文曰迎于門外

帥大夫以入 註古文帥為率

見上帥眾介夕條

升自西階自左南面受圭

註今文或曰由自西階無南

面

禮玉束帛乘皮皆如還玉禮

註今文禮皆作醴

見士冠禮禮於阼條

公使卿贈

註今文公為君

詩臣工敬爾在公傳公君也爾雅釋詁公君也春秋左

襄七年傳公登亦登漢書五行志作君登亦登

載廬

註古文廬作膳

見上使者載廬條

赴者未至

註今文赴為訃

既夕赴日註今文赴作訃小戴記雜記凡訃於其君註

訃或皆作赴說文忝部赴趨也徐鉉曰春秋傳赴告用此字今俗作訃非

問幾月之資

註古文資作齋

周禮外府註引此作問幾月之齋少牢饋食資黍于羊俎兩端註今文資作齋周禮外府共其財用之幣齋鄭司農云齋或爲資今禮家定齋作資後鄭謂齋資同耳其字以齊次爲聲从貝變易古字亦多或又典婦功女功之事齋典臬以待時頒功而授齋註並云故書齋爲資掌皮則會其財齋註齋或爲資巾車入齋于職幣註齋讀爲資漢書霍去病傳爲遣大官齋數十乘師古曰齋與資同荀子大略齋盜糧註齋與資同

釋載

註古文載作載

故齊定經解

儀禮古今文證疏上

三

註引詩傳曰軌道祭也世舉案古祭祀之字皆从示故

古文作祓

圭與纁 註古文纁或作藻今文作璪

見上取圭垂纁條

絢組 註今文絢作約

玉篇糸部絢約同旬勻本通字

為肆 註古文肆為肆

周禮小宗伯肆儀註故書肆為肆小戴記玉藻肆束及

帶註肆讀為肆曲禮大夫與士肆內則請肆簡諒陸本

並作肆學記宵雅肆三釋文肆本又作肆春秋左文四

年傳臣以為肆業及之也陸本作肆昭三十年傳若為

三師以肆焉釋文肆本又作肆

義之至也

〔註〕今文至為砥

說文石部砥字本作底詩桑柔靡所底止傳底至也書禹貢震澤底定史記夏本紀作致定

賓入門皇

〔註〕古文皇皆作王

說文王部王天下所歸往也小戴記少儀齊齊皇皇註皇讀如歸往之往詩漸漸之石不皇朝矣箋皇王也春秋繁露深察名號篇王者皇也書皇極史記作王極洪範五行傳建用王極註或皆為皇極莊子天運三王釋文本或作三皇

皮馬相間

〔註〕古文間作干

詩考槃在澗釋文澗韓詩作干

賄在聘于賄

〔註〕古文賄皆作悔

世榮

案悔當為賄玉篇貝部賄贈送財也賄同

禮不拜至

註今文禮為醴

見士冠禮禮於阼條

擯者立于闕外

註古文闕為蹙

見士冠禮布席於門中闕西闕外條

負右房而立

註今文無而

唯羹飪

註古文羹為羔飪作脰

說文粥部粥从粥从羔小篆从羔从美

世榮

案羔字蓋

竹簡羹字之蝕去其半也○士昏禮皆飪註飪熟也小

戴記郊特牲腥肆爛脰祭註脰熟也詩楚茨傳烹飪之

也釋文飪本又作脰

如饋食之禮

註今文無之



盼肉 註今文盼作紛

世萃

案紛蓋假借字故鄭不從

明日問大夫 註古文曰問夫人也

夫人歸禮 註今文歸作饋

見上歸饗餼五牢條

日如其饗餼之數 註古文餼為既

小戴記中庸既稟稱事註既讀為餼說文米部氣饋客

芻米也引春秋傳齊人來氣諸侯或作槩或作餼今左

桓十年傳作餼諸侯考工記玉人以致稍餼註餼或作

氣論語不使勝食氣釋文氣說文作既

則重賄反幣 註今文曰賄反幣

十六斗日簋 註今文簋為逾

見上車兼有五簀條

十筥曰稷 註古文稷作縷

史記景帝紀衣七縷布註縷八十縷也說文禾部稷布

之八十縷為稷又耗字引周禮十筥曰稷 世榮 案據此

知稷縷古只一字

儀禮古今文疏證卷上終

儀禮古今文疏證卷下

敬濟堂經解

臨海宋世榮學

公食大夫禮第九

設扃鼎 [註] 今文扃作鉞 古文鼎皆作密

見士冠禮設扃鼎條

設洗如饗 [註] 古文饗或作鄉

見聘禮壹食再饗條

宰東夾北西面南上 [註] 古文無南上

坐奠于鼎西 [註] 今文奠為委

詩采蘋于以奠之傳奠置也呂覽執一置質為臣註置

猶委也

左人待載 [註] 古文待為持

周禮服不氏以旌居乏而待獲杜子春云待當作持大戴記禮三本待年而食者荀子禮論待年作持手

倫膚七 [註]今文倫或作論

小戴記王制必即天論註論或為倫釋名釋典藝論倫也有倫理也詩靈臺於論鼓鐘箋論之言倫也皇侃論語義疏敘倫論二稱義無異也荀子儒效人倫盡矣註倫當為論又性惡論而法註論或為倫莊子齊物論有倫有義釋文倫崔本作論

公壹揖壹讓 [註]古文壹皆作一

見士冠禮壹揖壹讓升條

賓立于階西 [註]今文曰西階

麋鬻以西菁菹鹿鬻 [註]今文鬻皆作麋

其氣厥篇上爲口麩註麩謂爛也釋名釋飲食麩昵也骨肉相傅昵無汁也世榮案麩亦爛義又麩麩音近寫者承上而譌

宰夫設黍稷六簋于俎西二以竝註今文曰併古文簋皆作軌

竝併見聘禮皆二以竝條○周禮小史敘昭穆之俎簋註故書簋或爲几鄭司農云几讀爲軌說文竹部簋黍稷方器也匭古文簋或从軌易損卦二簋可用享蜀才本作軌

大羹湑不和註今文湑爲汁見士昏禮大羹湑在爨條

由門入升自阼階註今文又曰入門自阼階無升

有跡室經角  
擗于醢上豆之間祭

註今文無于

壹以授賓

註古文壹作一

見士冠禮壹揖壹讓升條

腳以東臚饒

註古文腳作香臚作熏

廣雅釋器腳香也周禮庖人膳膏香釋文香禮記作薌

○廣雅釋器臚香也文選別賦陌上草薰註薰香氣也

牛鮓

註今文鮓作鮓

玉篇魚部鮓魚名又鮓屬鮓同

從者訝受皮

註今文曰梧受

見聘禮賓進訝條

魚腊不與

註古文與作豫

見士昏禮我與在條

西來毋過四列 〔註〕古文毋爲無

見士昏禮夙夜無違命條

二以並 〔註〕今文並作併

並卽竝字見聘禮皆二以竝條

皆如饗拜 〔註〕古文饗或作鄉

見聘禮壹食再饗條

束錦也 〔註〕今文無束

加萑席 〔註〕今文萑皆爲莞

〔註〕萑細葦也詩斯干下莞上簟箋莞小蒲之席也爾雅

釋草荖夫王註似莞蘭釋文莞本又作萑誤 世犖 案萑

當爲萑字

羊苦 〔註〕今文苦爲芊

特牲饋食用苦註今文苦爲芾說文艸部芾地黃也引禮曰羊芾爾雅釋草蒞大苦註或云似地黃

簠有蓋幕註今文或作幕

既夕幕用疏布註幕覆也方言幕覆也小戴記檀弓布幕衛也繆幕魯也釋文幕本又作幕

覲禮第十

天子賜舍註今文賜作錫

見燕禮以賜鐘人於門內雷條

帥乃初事註今文帥作率

見聘禮帥衆介夕條

以瑞玉有纁註今文玉爲璧纁或爲璪

說文玉部璧瑞玉圓也○纁璪見聘禮取圭垂纁條



伯父實來予一人嘉之

註今文實作寔嘉作賀

詩小星寔命不同釋文寔韓詩作實又燕燕實勞我心

釋文實本亦作寔又韓奕實墉實壑箋實當作寔趙魏

之東實寔同聲春秋桓六年寔來左傳註寔實也國策

周策白起是攻用兵高誘曰是實也書秦誓是能容之

小戴記大學是作實別本亦作寔○廣雅釋言賀嘉也

國語晉語賀大國之襲於已說苑辨物篇賀作嘉

迎于外門外

註古文曰迎于門外也

大史是右

註古文是為氏也

周禮射人註引此作大史氏右士昏禮惟是三族之不

虞白虎通宗族引作惟氏小戴記曲禮是職方註是或

為氏漢書地理志氏為莊公師古曰氏與是同古通用

字後漢書李雲傳則五氏來備註是與氏古字通耳山海經西山經高是之山水經註作高氏韓勅碑於氏憤惓之思隸釋以於氏爲於是又張遷碑張是輔漢張是卽張氏字又漢末人是儀亦作氏儀陳壽魏志謂孔文舉改氏爲是非也

尙左

註古文尙作上

見鄉射禮以茅上握焉條

四傳擯

註今文傳作傳

周禮訓方氏誦四方之傳道註故書傳爲傳史記封禪書其傳在渤海中服虔曰傳音附或曰其傳書云爾瓚曰世人相傳之漢書五行志傳以洪範師古曰傳字或作傳小戴記檀弓註何傳乎釋文傳一本作傳莊子天

運魚傅沫又山木隨其爲傅釋文並云傅本作傳春秋  
左傳各傳字唐石經並作傳

祭地瘞

〔註〕占文瘞作瘞

爾雅釋天孫炎註瘞者翳也詩皇矣其菑其翳釋文翳  
韓詩作瘞釋名釋喪制瘞翳也就隱翳也

喪服第十一

牡麻經冠布纓

〔註〕今文無冠布纓

士喪禮第十二

綴足用燕几

〔註〕今文綴爲對

考工記輿人鞞圍鄭司農云鞞讀如繫綴之綴

書銘于末

〔註〕今文銘爲名末爲旆也

旣夕取銘置于重〔註〕今文銘皆作名周禮小祝置銘註

校齊堂經解

儀禮古今文疏證下

有跡生終解  
五  
銘今書或作名又司勳註銘之言名也小戴記祭統銘者自名也列子湯問伯益知而名釋文名與銘同○釋名釋兵白旆殷旆也以帛繼旆末也世案末有味音旆亦有末音

東鄉

註今文鄉爲面

周禮擇人而正王面小戴記玉藻惟君面尊註並云面猶鄉也

不精

註古文精皆爲精

註精讀爲絳說文糸部絳讀若旌釋名釋兵旌精也孟郁碑叩工旌密隸釋以旌爲精

環幅不鑿

註古文環作還

春秋左襄十年傳還鄭而南釋文還本亦作環又哀三

年傳道還公宮釋文還本又作環

牢中旁寸

註今文樓為纒旁為方

註牢讀為樓樓為削約握之中央以安寸也上長四寸

纒中註纒笄之中央以安髮

世犖

案古無纒字纒中即

牢中也牢樓聲轉如樓蘭之為牢蘭矣○大射儀左右

曰方註方出旁也廣雅釋詁旁方也書堯典方鳩僝功

史記五帝紀說文辵部並引作旁益稷方施象形白虎

通聖人說苑節士並引作旁施呂刑方告無辜於上論

衡變動引作旁告

決用正王棘若擇棘

註古文王為三今文擇為澤

說文王部王字引孔子曰一貫三為王

世犖

案古文為

三當為竹簡之爛而脫其中一也○古釋醴等字皆作

澤說文無釋字今文爲澤當亦假借用

祿衣

註古文祿爲綠

註黑衣裳赤綠之謂祿祿之言綠也周禮內司服綠衣  
註此綠衣者實作祿衣也釋文綠或作祿

竹笏

註今文笏作忽

釋名釋書契笏忽也說文日部作目引春秋傳鄭太子  
忽今左傳作太子忽書益稷在治忽鄭本作治忽論語  
微子仲忽漢書人表作中忽漢書揚雄傳翁赫忽霍又  
嚮忽如神師古並日忽與忽同

拒用巾

註古文拒皆作振

註拒晞也清也小戴記曲禮振書註振去塵也

世榮

案

拒卽振字

渙濯棄于坎

〔註〕古文渙作緣

世榮

案註謂荆沔之間語蓋方言也

髻用組

〔註〕古文髻皆為括

下主人髻髮袒〔註〕古文髻作括說文髻部髻潔髮也手

部括絜也髻括即髻括字玉篇髻部髻同髻

宰洗桐建于米執以從

〔註〕今文宰不言執

設鞫帶

〔註〕古文鞫為合也

士冠禮鞫鞫〔註〕合韋為之管子小匡鞫革二戟〔註〕鞫革

重革文選洞簫賦薄索合沓〔註〕合沓重沓也

麗于擊

〔註〕古文麗亦為連擊為挽

易象上傳麗澤兌〔註〕麗猶連也孔穎達易正義論史記

五帝紀引世紀連山氏路史作麗山氏○史記封禪書

莫不搯挽漢書郊祀志作搯擊師古曰古手挽字也又

漢書游俠傳搯擊而游談者師古曰擊古手挽字也世

舉案腕卽挽字擊當依說文作擊爲正

設冒橐之 註今文橐爲橐

春秋左成十七年傳楚公子橐師唐石經作橐師周禮

翦氏註故書蠹爲橐釋文橐本或作橐

冪用疏布 註古文冪皆作密

旣夕冪用疏布註今文冪皆作密少牢饋食皆設局冪

註古冪作密冪通作冪設士冠禮設局冪條

冪奠用功布 註古文奠爲尊

奠尊形近說文丌部奠置祭也从酋酋酒也下其丌也

又酋部奠酒器也从酋卂以奉之或从寸作尊



四髻去蹄兩朒脊肺

註今文髻為剔朒為迫

釋名釋首飾髻剔也詩皇矣攘之剔之釋文剔或作髻  
又思樂狄彼東南箋狄當作剔釋文引韓詩云髻髻除  
也後漢書馮魴傳皆自髻剔註剔聲類曰亦髻字莊子  
馬蹄燒之剔之釋文剔崔本作髻漢書司馬遷傳髻毛  
髮文選髻作剔○註朒脅也下兩朒註今文朒為迫周  
禮醢人豚拍註鄭大夫杜子春皆以拍為膊釋名釋飲  
食膊迫也世榮案朒即膊字

設局冪

註古文冪為密

見士冠禮設局冪條

二人以並

註今文並為併

並即竝字見聘禮皆二以並條

主人髻髮袒衆主人免于房 註今文免皆作纒古文髻

作括

既夕喪祝免袒 註今文免作纒玉篇糸部纒喪服或作

免春秋左僖十五年傳使以兔服衰經逆釋文免又作

纒 世舉 案說文纒卽冕字今文非也 ○ 註引喪服小記

曰斬衰髻髮以麻檢今小戴記喪服小記髻作括餘見

上髻用組條

奉尸俛于堂 註今文俛作夷

註俛之言尸也既夕俛牀釋文俛本亦作夷小戴記喪

大記奉尸夷于堂註夷之言尸也釋文夷本或作俛玉

篇人部俛夷也

抽扃予左手兼執之收鼎 註今文扃爲鉉古文予爲于

鼎爲密

肩鼎見士冠禮設肩鼎條○書康王之誥用端命于上帝唐石經于作予史記賈生傳請問于服兮索隱漢書作予

乃杙載載兩髀于兩端兩肩亞兩肱亞脊肺在于中皆覆進抵〔註〕古文杙爲匕髀爲脾今文肱爲迫抵皆爲胷

少牢饋食長杙〔註〕古文杙作匕士昏禮〔註〕執匕者陸本作杙劉云匕器名杙者杙載也世學案杙字本作杙小

戴記雜記杙以桑〔註〕杙所以載牲體者釋文杙本亦作杙詩大東疏引雜記云匕用桑○髀脾見士昏禮髀不升條肱迫見上兩肱條○士虞禮載猶進抵〔註〕今文抵

爲胷

襪者以褶 註古文褶為襲

釋名釋衣服褶襲也玉篇衣部襲重衣也急就篇註褶謂重衣之最在上者也

羸醯兩邊無滕 註今文羸為蝸古文滕為甸

羸蝸見士冠禮羸醯條○ 世舉 案滕騰滕同聲易象下

傳滕口說也釋文滕九家作乘詩十月百川沸騰傳騰乘也周禮小司徒註甸之言乘也小戴記郊特牲邱乘共粢盛註六十四井曰甸或謂之乘詩信彼南山維禹甸之釋文甸鄭讀繩證反

左首進髻 註古文首為手髻為耆

首手見大射儀後首條○ 註髻脊也士虞禮魚進髻註 古文髻為耆文選長楊賦癡耆孟康曰馬脊耆創癡處

服虔曰耆鬣玉篇髟部鬣也

成踊出

〔註〕今文無成

主人拜送

〔註〕今文無拜

敦啟會

〔註〕今文無敦

兼執之

〔註〕今文無兼

度茲幽宅兆基

〔註〕古文無兆基作期

期朞一字士虞禮朞而小祥註古文朞皆作基周禮質

人邦國朞釋文朞本或作基後漢書郎顛傳於詩三基

註基當作朞又漢靈臺碑楊著碑劉曜碑嚴舉碑柳敏

碑任伯嗣碑費鳳碑張遷碑皆以基為朞字

不述命

〔註〕古文述皆作術

小戴記祭義而術省之註術當為述聲之誤也詩日居

月諸報我不述釋文述本亦作術小戴記樂記識禮樂  
之文者能述又述者之謂明又述作之謂也史記樂書  
並作術漢書賈山傳術追厥功師古曰術亦作述唐扶  
頌耽樂道述隸釋以述爲術韓勅後碑共術韓君德政  
孟郁碑歌術功稱張表碑方伯術職靈臺碑陰州里稱  
術樊敏碑臣子褒術皆以術爲述字

席于闐西闕外

〔註〕古文闐作槩闕作蹙

見士冠禮闐西闕外條

主人占曰某日從

〔註〕古文曰爲日

易大畜曰閑輿衛鄭康成陸希聲並讀曰爲日孟子滕  
文公放勳曰舊趙〔註〕本作日音義日丁音駟或作日誤

既夕第十三

請啟期 〔註〕今文啟爲開

見士昏禮贊啟會條

商祝免袒 〔註〕今文免作纒

見士喪禮主人免于房條

取銘置于重 〔註〕今文銘皆作名

見士喪禮爲銘條

設披 〔註〕今文披皆爲藩

皮番通字詩十月之交蕃爲司徒漢書古今人表作皮

書禹貢滎波既豬馬鄭本波作播周禮大司樂播之以

八音〔註〕播之言被也故書播爲藩

緇剪 〔註〕今文翦作淺

註翦淺也周禮巾車註翦淺黑也詩東門之墠有踐家

室傳踐淺也小戴記玉藻勿身踐也註踐讀曰翦史記  
孝文紀皆無踐服虔曰踐翦也考工記註翦者如僂僂  
之僂詩小戎傳爾雅釋言並云僂淺也

冪用疏布

註今文冪皆作密

見士喪禮冪用疏布條

甗二

註古文甗皆作廡

見士冠禮側尊一甗醴條

兩杆

註今文杆爲梓

註杆盛湯漿

世犖

案杆卽盂字說文皿部盂飯器也小

戴記內則敦牟註黍稷器也釋文齊人呼土釜爲牟考  
工記弓人筋三侔釋文侔本又作牟亦作梓同

賓奠幣于棧

註今文棧作輓



註棧謂柅車也玉篇車部載載柅車

髀不升  
〔註〕古文髀作脾

見士昏禮髀不升條

羸醢  
〔註〕今文羸為蝸

見七冠禮羸醢條

特鮮獸  
〔註〕古文特為俎

世犖

案鮮獸乃特陳於俎者故古文為俎

執筭  
〔註〕古文算皆為筭

算數也筭即策字史記五帝紀推策晉灼曰策數也

執功布以御柅  
〔註〕今文無以

屬引  
〔註〕古文屬為屬

春秋左昭二十七年傳吳子燭庸史記刺客傳作屬庸

乃窆 註今文窆爲封

小戴記檀弓縣棺而封又殷既封而弔又於其封也曾子問遂縣封註並云封當爲窆王制庶人縣封註當爲縣窆喪大記凡封註封周禮作窆易繫辭不封不樹虞仲翔曰封古窆字也說文土部塋喪葬下棺也春秋傳曰朝而塋禮謂之封周官謂之窆

曰如之何 註古文無曰字

士處適寢寢東首于北墉下 註今文處爲居于爲於

詩殷其雷莫或遑處傳處居也小戴記中庸居易以俟命論衡幸偶作處易孟子滕文公居於於陵論衡刺孟作處於於陵老子處衆人之所惡釋文處本作居○于於見士昏禮至於某之室條

設牀第

〔註〕古文第爲茨

世犖

案第茨音近說文竹部第牀簧也詩淇澳綠竹如簧傳簧積也又甫田如茨如梁傳茨積也

楔貌如軛

〔註〕今文軛作厄

釋名釋車榻軛也所以軛牛頸也馬曰烏啄詩韓奕儻

革金厄傳厄烏蠲也

世犖

案軛卽軛字

按在南

〔註〕古文按爲枝

見士昏禮授按條

赴曰

〔註〕今文赴作訃

見聘禮赴者未至條

掘坎

〔註〕今文掘爲坵

玉篇土部坵埤蒼云坎也坑也

世犖

案此當因下坵坎

而譌

塋用塊 〔註〕古文塋為役

士喪禮為塋于西牆下〔註〕塋塊竈玉篇土部垆陶竈窻也引儀禮甸人為垆于西牆下本亦作塋亦作焮  
案役即塋省

凡絞紵用布倫如朝服 〔註〕今文無紵古文倫為輪

易說卦為弓輪釋文輪本作倫

實角觶 〔註〕古文角觶為角柶

觶柶音近又儀禮多角柶字故傳寫或混

主人說髦 〔註〕今文說皆作稅

見士昏禮主人說服于房條

主人乘惡車 〔註〕古文惡作墜

周禮守祧則守祧黜聖之釋文聖本作惡小戴記雜記廬聖室之中釋文聖本作惡

白狗幣 註古文幣為幕

註幣覆笄也詩韓奕鞞鞞淺幘傳幘覆式也 世榮 案幘

即幣字周禮巾車作褻又幕幕通字小戴記檀弓布幕

註幕或為幣

御以蒲敢 註古文敢作騶

疏引宣十二年知莊子抽矢敢漢書鼂錯傳材官騶發如淳曰騶矢也春秋左氏傳作敢其音同耳

木鎡 註今文鎡為鎡

世榮 案鎡鎡形近說文作鞞鞞急就篇註鞞鞞端之鐵

也鞞豎貫軸頭制鞞之鐵也方言關之東西曰鞞南楚

右 曰軟離騷看玉軟而並馳註軟車轄也

木鑣 註古文鑣為苞

釋名釋車鑣苞也在旁苞斂其口也急就篇註鑣之言

苞也小戴記曲禮苞履註苞薦也又春秋傳申包胥鶡

冠子作申庶胥

馬不齊髦 註今文髦為毛

廣雅釋器髦毛也周禮司勳則諸侯毛釋文毛別本作

髦書堯典鳥獸毳毛說文毛部毳字引作毳髦顧命南

宮毛漢書人表作髦

啟之昕 註古文啟為開

見士昏禮贊啟會條

軌軸 註古文軌或作拱

上用軸註軸軼軸也狀如轉鑄刻兩頭為軼軼狀世犖

案蓋取拱持之義說文無軼字知即借用拱也

序從如初註今文無從

革鞞載旛註今文鞞為殺旛為膳

鞞殺音轉如騷殺騷屑之類○旛膳見聘禮載旛條

橐車載蓑笠註古文橐為潦

註橐猶散也散車以田以鄙之車蓑笠備雨服疏引周

禮輪人為蓋鄭云禮所謂潦車謂蓋車與釋名釋車高

車其蓋高立乘載之車也又輅蓋又也世犖案此則橐

當為高潦當為輅矣

抗木刊註古文刊為竿

註剝削之莊子列禦寇竿牘司馬註謂削竹簡為書以

相問遺左傳序則刊而正之釋文刊削也

弓矢之新沽功 註今文沽為古

世舉 案古蓋沽省

有秘 註古文秘作柴

註引詩云竹秘緄滕今詩作竹閉 世舉 案秘杜音近據

釋文柴字作柴張淳識誤所見釋文作柴柴即杜字小

戴記喪大記以杜為杜古文蓋音近假借用也

設依撻焉 註今文撻為銛

註撻附側矢道也 世舉 案銛當為栝說文木部栝槩也

从木昏聲一曰矢栝築苙處

案士虞禮第十四

藉用葦席 註古文藉為席



說文巾部席藉也管子山權數賦藉藏龜註藉席也周

禮春官司几筵註藉之日席

設扃冪 [註]今文扃為鉉

見士冠禮扃冪條

東縮 [註]古文縮為蹙

見鄉飲酒禮縮霑條

抽扃冪 [註]今文扃為鉉古文冪為密

見士冠禮設扃冪條

魚亞之 [註]今文無之

佐食出立于戶西 [註]今文無于戶西

命佐食啟會 [註]今文啟為開

見士昏禮贊啟會條

祝命佐食墮祭 註今文墮為綏

命註引周禮曰既祭則藏其墮下不綏祭註綏當為墮少

宰饋食以綏祭註綏或作接接讀為墮特牲饋食祝命

接祭註引士虞禮古文曰祝命佐食墮祭周禮曰既祭

則藏其墮墮與綏讀同耳小戴記曾子問不綏祭註綏

周禮作墮

播餘于筐 註古文播為半

半當為拌方言拌棄也楚凡揮棄物謂之拌楚詞思古

播規槩以背度兮注播棄也國語吳語播棄黎老

酌尸 註古文酌作酌

少宰饋食乃酌尸註古文酌作酌特牲饋食酌酌尸註

今文酌皆為酌 世舉 案酌當為酌字玉篇酉部酌少飲

也。爾同說文無醕字，知古只作酌矣。

祝取肝擣鹽 註今文無擣鹽

祝入尸設 註古文設或為休

少牢饋食祝入尸設 註設或作休

沐浴不櫛 註今文曰沐浴

殺于廟門西 註今文無廟

取諸左臚上 註古文曰左股上

疏謂鄭欲兩從蓋傳寫之異

皆設肩鼎 註今文肩作鉉古文鼎作密

見士冠禮設肩鼎條

載猶進祗魚進髻 註今文祗為胝古文髻為者

祗胝見士喪禮進祗條髻者見士喪禮進髻條

銅筆用苦

註古文苦為枯今文或作竿

書禹貢惟箇籛楛說文木部枯字引作輅枯荀子勸學問楛者勿告也註楛與苦同莊子人間世此以其能苦其生者也釋文苦崔本作枯世聲案竿當為芊字見公食大夫禮羊苦條

聲三啟戶

註今文啟為開

見士昏禮贊啟會條

明齊澠酒

註今文曰明粢

又今文澠為醴

周禮酒正辨五齊之名註杜讀齊皆為粢小戴記禮運案醴在堂註粢讀為齊祭統以共齊盛註齊或為粢○下普薦澠酒註今文澠為醴說文無醴字知即作澠也

哀薦祿事

註今文曰古事

世華

案古當為合字之譌白虎通宗廟祫者合也

他用剛口 註今文他為宅

詩鶴鳴他山之石陸本他作宅釋云宅古他字史記曹相國世家項他漢書高帝紀作項宅師古曰宅字與他同又秦南海尉宅師古曰宅古佗字也書本亦或作他詩唐風他人是愉漢書地理志作宅人是愉

乃餞 註古文餞為踐

周禮司尊彝朝踐註古書踐作餞書堯典寅餞納日馬本作淺訓滅也 世華案成王政敘註踐訓滅是馬亦以

餞為踐字

尊兩甒于廟門之右 註古文甒為廡也

見士冠禮側尊一甒醴條

脯四脰註古文脰為脰

脰當為脰鄉飲酒禮薦脯五脰釋文脰本亦作脰同

縮祭註古文縮為蹙

見鄉飲酒禮縮鬻條

尸謨註古文謨作沐

世尊案上謨為休沐當為休字之譌王侍郎引之曰謨

休古聲相近

丈夫說經帶于廟門外註今文說為稅

見士昏禮主人說服于房條

主人不與註古文與為豫

見士昏禮我與在條

猶出几席註古文席為筵

見大射儀賓升就席條

齊祔爾于爾皇祖某甫

註今文齊為齊

齊躋通字詩長發帝命不違至于湯齊湯降不遲聖敬

日躋小戴記孔子閒居湯齊日躋字並作齊註詩讀湯

齊為湯躋又樂記地氣上齊註齊讀為躋釋文齊又作

躋

明日以其班祔

註古文班或為辨今文為胖

少牢饋食右胖註古文胖皆作辨辨即辨字漢書王莽

傳辨社諸侯註孟康曰班辨布也師古曰辨讀曰班春

秋左襄二十五年傳男女以班劉炫云哀元年蔡人男

女以辨與此同

沐浴櫛搔翦

註今文曰沐浴搔翦或為蚤揃揃或為髻

散齊

儀禮古今文疏證下

七

註搔當為爪士喪禮蚤揃如他日註蚤讀為爪斷爪揃  
 鬚也小戴記曲禮不蚤鬚註蚤讀為爪鬚鬚鬢也引士  
 喪禮鬚作揃漢書枚乘傳足可搔而絕註搔謂抓也抓  
 卽爪字之俗又莊子外物篇釋文引三蒼揃猶翦也詩  
 甘棠勿翦勿伐漢書王吉傳作勿鬚勿伐漢書韋賢傳  
 鬚茅作堂師古曰鬚字與翦同  
 為折俎取諸脰臙〔註今文字為折俎而說以為所俎亦  
 甚誣矣古文脰臙為頭噬也〕

世聲

案所折俱从斤故今文或傳寫異而誤解之○脰

頭見上昏禮左頭奉之條○臙噬音形並近

普薦漶酒〔註今文漶為醜〕

見上明齊漶酒條



基而小祥 註古文基皆作基

見士喪禮幽宅兆期條

薦此常事 註古文常為祥

少牢饋食假爾大筮有常 註常吉祥之占 繇後漢書竇

武傳 註祥吉凶之先見者 史記爰盎黽錯傳今公常從

數騎徐廣日常一作詳 世舉 案詳祥通字

中月而禫 註古文禫或為導

說文谷部囟讀若三年導服之導又木部棧讀若三年

導服之導小戴記喪大記禫而內無哭者 註禫或皆為

道道即導字

特牲饋食禮第十五

席于門中闌西闌外 註古文闌作絜闌作蹙

小戴記玉藻大夫中棖與闌之間註棖門楔也

世學

案

契當為楔省○闌蹙見士冠禮闌西闌外條

乃宿尸 註凡宿或作速記作肅周禮亦作宿

註宿讀為肅肅進也士冠禮乃宿賓註宿進也小戴記

祭統宮宰宿夫人註宿讀為肅爾雅釋詁肅速也國語

周語俾莫不任肅純恪註肅速也

有甯 註古文甯為密

見士冠禮設局甯條

主婦視饎饜于西堂下 註古文饎作精周禮作饎

周禮饎人註故書饎作饎說文食部饎酒食也或作饎

或作精方言氣熟曰精字林饎熟食也

藉用萑 註古文用為于

士冠禮宜之于假註于猶爲也荀子富國仁人之用國  
註用爲也

鼎之 註古文鼎皆作密

見士冠禮設局鼎條

設大羹湑于醢北 註今文湑皆作汁

見士昏禮大羹湑在饗條

升酌醕尸 註今文醕皆爲酌

見士虞禮醕尸條

賓長以肝從 註今文無長

尸以醋主人 註古文醋作酢

士虞禮尸以醋主人釋文醋本亦作酢有司徹尸以醋

主婦註今文醋曰酢易繫辭是故可與酬酢京房本作

醋說文酉部醋客酌主人又酢醖也徐鍇曰今人以此  
爲酬醋字反以醋爲酢字時俗相承之變也五經文字  
酉部醋酢上才各反下倉故反見詩今禮經依音用上  
字下經典通用爲酬酢字

佐食授綏祭

〔注〕古文授作綏

少牢饋食上佐食以綏祭註綏或作授有司徹其綏祭  
註綏皆當作授互詳士相見禮妥而後傳言士虞禮祝  
命佐食墮祭條

主婦洗爵酌

〔注〕今文曰主婦洗酌爵

坐挽手

〔注〕古文挽皆作說

見鄉飲酒禮坐挽手條

主婦拜受爵

〔注〕今文授爲受

大射儀坐授瑟唐石經授作受周禮司書受其幣大司徒使之相受掌葛以權度受之註並云故書受為授典婦功凡授嬪婦功司儀再拜授幣註並云授當為受

尸備答拜焉註古文備為復

小戴記喪大記復殯服註復或為服世學案服亦作備

形與備近

皆奠解于薦右註今文曰奠于薦右

養者舉奠註古文養皆作餒

釋文養與餒同有司徹乃養註古文養作餒世學案養

當為養養即饌本字論語先生饌釋文饌鄭作餒

用苦註今文苦為芻

見公食大夫禮羊苦條

淳沃

註今文淳作激

考工記鍾氏淳而漬之註淳沃也

世舉

案激亦激水以

沃之義

荆肺三

註今文荆爲切

少牢饋食心皆安下切上註今文切爲荆又祭肺三皆

切士虞禮註引作皆荆說文刀部切荆也荆切也

少牢饋食禮第十六

宿

註古文宿皆作羞

註宿讀爲肅肅進也周禮膳夫羞用百有二十品註羞

進也漢書百官表御羞師古曰今長安城南御宿川也

羞宿聲相近故或云御羞或云御宿耳

廩人概甌甌七

註古文甌爲丞

方言甗或謂之酢。留爾雅疏引作酢。留說文食部留飯

氣蒸也。世犖案甗所以烝烝甗音進故古文假借

司馬升羊右胖髀不升。註古文胖皆作辯髀皆作脾

胖辯見士虞禮明日以其班耐條髀脾見士昏禮髀不升條

皆二骨以並。註今文並皆為併

見聘禮皆二以竝條

皆設扃幕。註古文幕皆為密

見士昏禮幕用疏布條

司宮尊兩甗于房戶之間同楸皆有幕。註古文甗皆作

廡今文幕作甗

甗廡見士冠禮側尊一甗醴條。○士喪禮幕用疏布既

夕冪用疏布釋文並云冪本又作冪互詳士冠禮設局  
冪聘禮簋有蓋冪條

南柄

註古文柄爲方

國策秦策公仲柄得秦師史記甘茂傳柄作方

長札

註古文札作七

見士喪禮乃札條

心皆安下切上

註今文切皆爲刊

見特牲饋食刊肺三條

羸醢

註今文羸爲蝸

見士冠禮羸醢條

主婦興入于房

註今文曰主婦入于房

辯揆于三豆

註今文辯爲徧



見鄉飲酒禮辯有脯醢條

上佐食舉尸牢幹 註古文幹為肝

釋名釋形體肝幹也廣雅釋親肝幹也白虎通性請肝  
之言干也鄭季宣碑陰直事干司馬整碑陰諸曹干並  
以干為幹字

乃酌尸 註古文酌為酌

見士虞禮酌尸條

縮執俎 註古文縮為蹙

見鄉飲酒禮縮雷條

上佐食以綏祭 註綏或作授 又古文墮為旰

下其綏祭註綏亦當作授古文為旰張淳以為此綏為  
旰之證餘詳士虞禮祝命佐食墮祭特牲饋食佐食授

綏祭條

以嘏于主人

又

受祿于天

又

眉壽萬年勿替引之

註古

文嘏為格祿為福眉為微替為袂袂或為載

嘏格見士冠禮孝友時格條○爾雅釋詁祿福也○春

秋莊二！八年築鄆公穀並作築微左作築麋詩巧言

居河之麋爾雅釋水水草交曰湄引詩居河之湄釋文

或作澍又釋邱谷者澍釋文澍本作湄

世聲

案眉麋一

字見士冠禮眉壽萬年條○註替載聲相近

世聲

案袂

乃秩字之譌文選東京賦魏都賦景福殿賦押秩字並

直至反又載卽載字詩巧言秩秩大猷說文大部引作

載載漢書地理志四載卽詩駟載文選西征賦與政隆

替替字亦當音鐵也

春秋公羊哀二年經戰于栗釋文栗一本作秩二傳作鐵

挂于季指 〔註〕古文挂作卦

挂俗作掛 易乾卦疏引易緯云卦者掛也繫辭故再扞而後掛釋文掛京本作卦

其綏祭 〔註〕綏亦當作接古文為𦉰

見上上佐食以綏祭條

祝拜坐爵 〔註〕今文曰祝拜受

尸謾 〔註〕謾或作休

見士虞禮尸謾條

資黍于羊俎兩端 〔註〕今文資作齋

見聘禮問幾月之資條

主人答一拜 〔註〕古文壹為一也

見士冠禮壹揖壹讓升條

有司徹第十七

乃燚尸俎 註古文燚皆作尋記或作燂

註燚温也引春秋傳曰若可燂也亦可寒也檢今春秋

左哀十二年傳燂作尋服註尋之言重也温也孔疏引

少牢有司徹云乃尋尸俎鄭元云尋温也論語温故而

知新集解温尋也皇疏温燂也 世尊案記或作燂者疏

引郊特牲血腥燂祭註云燂或為燂聘禮註惟燂者有

膚釋文燂本一作燂說文炎部燂於湯中爇肉廣韻燂

燂字並同燂

乃設屬鼎 註今文屬為鉉古文鼎為密

見士冠禮設屬鼎條

乃議備于賓 註古文備皆作宥

見聘禮以侑幣條

西縮 [註]古文縮為蹙

見鄉飲酒禮縮霑條

西竝 [註]古文竝皆作併

見聘禮皆二以竝條

羊肉清 [註]今文清為汁

見士昏禮大羹清在鬯條

二手執挑七枋以挹清 [註]今文挑作抗挹皆為扱

[註]挑謂之敵讀如或春或抗之抗字或作挑者秦人語

也周禮春人女春抗二人註抗扞曰也引詩云或春或

抗爾雅釋器厨謂之鑿註皆古鉞鑪字方言雷燕之東

北朝鮮河水之間謂之厨 世罕 案厨鑿即挑敵字詩生

民或舂或搗傳掄扞曰也釋文掄說文作臼檢說文臼部自扞曰也引詩或簸或臼或从手从宀○搗扱音近廣雅釋詁扱扱取也說文手部扱扱也

于東楹東

〔註〕古文曰東楹之東

與殿脩

〔註〕今文殿爲斷

釋文殿本又作段釋名釋言語斷段也春秋公羊莊二十四年傳殿脩云乎哉註殿脩取其斷斷自脩正

主婦主人之北西面答拜

〔註〕今文無西面

南面主婦立于席西

〔註〕今文曰南面尸于席西

坐扱手

〔註〕古文扱作說

註扱手者于幌小戴記內則註巾以幌手釋文幌拭手也本作扱少儀註坐扱手釋文扱本作幌扱說見鄉飲

酒禮坐挽手條

皆答壹拜 [註]今文壹為一

見士冠禮壹揖壹讓升條

羊幣一 [註]古文幣為賂

見鄉飲酒禮脊脅賂肺條

若是以辯 [註]今文若為如辯皆作徧

鄉飲酒禮公如大夫入註如讀若今之若考工記梓人

毋或若汝不寧侯註若如也 世舉 案若如經典通用甚

夥○辯徧見鄉飲酒禮辯有脯醢條

其胥體儀也 [註]今文儀皆為儀或為議

世舉 案儀字古作義書大傳儀伯樂舞註儀當為義仲

之後也又典寶序義伯釋文義本作義莊子馬蹄雖有

義臺路寢釋文義本作義齊物論有倫有義釋文義崔  
本作議國語鄭語伯翳能議百物漢書地理志作伯益  
能儀百物易繫辭議之而後動釋文陸姚桓元荀柔之  
本作儀

主人就筵

[註]古文曰升就筵

舉觶于其長

[註]古文觶皆為爵

見鄉射禮執觶洗升條

無髀

[註]古文髀作脾

見士昏禮髀不升條

乃撫于魚腊俎

[註]今文撫為撲

世榮

案撲字當為搯集韻撫古作搯本作拓說文手部  
拓拾也陳宋語或从庶作撫又搯撮取也方言撫取也



廣雅釋詁撫帶取也

其綏祭

[註]綏皆當作按古文為揅

世榮

案揅即孺字周禮大祝有孺祭揅按形聲並近餘

見少牢饋食上佐食以按祭條

尸以醋主婦

[註]今文醋曰酢

見特牲饋食尸以醋主人條

乃養

[註]古文養作餽

見特牲饋食養者舉奠條

右几屏用席

[註]古文右作侑屏作莠

周禮大祝以享右祭祀[註]右讀為侑又令鐘鼓右[註]右

讀亦當為侑荀子宥坐此蓋為宥坐之器[註]宥與右同

或曰與侑同○爾雅釋詁屏隱也說文厂部屏隱也小

戴記喪大記甸人取所徹廟之西北扉疏引熊安生云  
 扉謂西北隅扉隱之處詩采芑箋芑之言蔽也爾雅釋  
 詁輿革前謂之輶後謂之芑李註芑車後戶名也  
 案芑蔽車後亦如屋西北隅之有扉扉芑音亦近

儀禮古今文疏證卷下終

台州叢書爲臨海 宋确山先生所輯僅成甲乙兩集而

先生已返道山同治癸酉歲鑿來守台州時先生曾孫庸

德茂才以一函見贈得徧覽焉昨見 張香濤宮庶所刊

書目答問中有周禮故書疏證儀禮故書疏證註繫先生

名並註台州叢書本因詢之貞德孝廉亦先生曾孫也孝

廉以此二種不入叢書鑿思台州叢書係哀集鄉先進各

著作此二種爲先生所著之書不入叢書之說理或然歟

今幸原板尙存並有舊冊檢閱一通兩書無序無題端且

原板間有霉爛殘缺處亟付手民按照舊冊補刻完善俾

復舊觀鑿不揣謏陋補署兩簽仍將書板歸諸孝廉什襲

藏之毋使遺缺是所厚望於先生之後裔也爰綴數語於

書末云

光緒六年歲次庚辰中秋月津門徐士鑾識

同人校定本幹事李子厚不交出張范卿又不肯更  
將書借校多方訪求於東方圖書館借得原刻本由  
紹興周肇祥另校修正北京古學院識

校勘記附

引詩信彼南山原缺彼補之又誤又正之札跋著應  
作著改之